

Ŋwa' wvù Baul to saŋεε ê kentaashε ke Kol ose

Fiεε fi nu ê Ŋwa' wvu Kolose wvun e

Baul to saŋ Ŋwa' wvun fô kentaashε ke bonyii bo mbee le ke ê kelaante kè Kolose le. Ebaflōs to nu ε nε to bô saaka mvu wvù befe ekumε kentaashε kedvu. E Baul mum saŋ Ŋwa' wvun no kentaashε kedvu to nu ê kelerj kè wvú to yene le è kerjke wen keetaale fô kí le. Wvú to saŋ keeleke n'yεεyi ε è nu wvu keceey wvù nu ekumε bonyii bô è nu bo Klistu le.

Bikuu bi mwεεm e ê Ŋwa' wvun e

1:1-8 Kerjkewce

1:9-2:19 Ekumε wee wvù è nu Klistu noo lemme diew

2:20-4:6 Nshii wvu fwε wvù nu yî Klistu le

4:7-18 Kemese

¹ È nu me wvù Baul, waa ntum Klistu Jisos yî ŋkoŋ wvù wvu Nyo' le. Me nu bee Timatio wvù waa bwee wesebeene. ² Ŋwa' wvun gene fô ben e boom bo bwee wese le bô nu fitele fimwaarj bô bo Klistu, nu bonyii bô è nu bo Nyo' le Kolose. Nyo' Icee wesebeene ebuw ben bô kembonen kew ebvuu enya ben bô mvuntelem mvù leetene.

E Baul no bunlee, nyaa keyoone ê Nyo' fô bonyii bo Kolose le

³ Bese dioo bunlee fô ben e sekecii no nyaa ke ε è nu keyoone ê Nyo' wvù Icee Tata wesebeene wvù Jisos Klistu, ⁴ njefo bese nu ε yuw wase ekumε fitele finen fi ben lese yî Klistu Jisos e, bô kerjkoŋen kè ben kerjke fô bonyii bocii

bò è nu bo Nyo' le. ⁵ Bese kee le ben gee nonen njefo ben taale fwe ε è nu yî fiεε fi Nyo' nu ε seyse ε γεε ê ben fowe le. ε fiεε fin nu fi ben to yuwεε wase ê diεw Nyo' le yî nu kecεεy, nu saaka wvù jee. ⁶ Saaka wvun to to fô ben e leηλεη no wvù to toε fô bonyii le yî ekole ke nshε le kecii no kumene nce bonyii bvuu saanjkene gene fwe fwe. È nu ke leηλεη no fí to kooyεε bô ben ε kew diuu di ben yuwεε saaka wvudvu bvuu kieε kecεεy le Nyo' nu ε buw bonyii bô keηkoηen kew. ⁷ Ben to yuw saaka wvudvu wvun ê εbaflas wvù nu fitele fisese, ε bee bó lemte yî fiεε le fimwaaη. Wvù nu wee lemme Klistu, ε wvù ε jo bvudvuu bvusese ε no lemte bô fitele fiew ficii, ⁸ ε wvù ε see wase ê bese ekumε keηkoηen kè Keyoy ke Nyo' le nu ε nya ben ε no keηke fô bonyii le. ⁹ ε kew diuu di bese yuwεε ekumε ben nonen, bese ε mum ε no bunlee fô ben e sekecii. Bese bunlee leke le Nyo' ege é ben ekieε fiεε fi wvù gomte. ε fifin nu ke efey yî bvufee bô mwεem mvù Keyoy kew nu ε ge ben ε no kee le. ¹⁰ Nonen é ben emum ecee nce ε è nu wvù nu ε kpwenten wvu bonyii bo Tata le. ε è nu wvù, wvù wvù looci kooηke. É ben dioo cee nonen emum egee dilemme di jee jé le jé le, ekeè Nyo' gene fwe fwe. ¹¹ Bese bunlee ten le Nyo' wvù mvuηgay mvu baay mvunciim nu mwew enya ben bô mvuηgay mvunciim é ben etemyi sekecii, kuule shém gene fwe yî fiεε le ficii, laηlaηe, ¹² nyaa keyoone ê Nyo' Ice. È nu wvù wvù nu ε ge beene ε kocen keeke ekeηke fiεε fi wvù nu ε seyse ε γεε ê bonyii bò è nu bew fô bvudvuu bvυ n'yuu le. ¹³ Wvù nu ε bvuse wase beene can mvuηgay mvυ ejiwε le, ε γεε ente jo bvunfon bvυ Waa we wvù nu fitele fiew e. ¹⁴ È nu Waa we wvun wvù nu ε ge

1:5 1Bi 1:3-4; Efε 1:13 1:6 Lem 2:41; Lum 1:13; 1Tim 3:16 1:7 4:12; Flm 23 1:8 1Kol 8:1 1:9 Efε 1:17; Fili 1:9 1:10 Efε 4:1; 2:10; Fili 1:27 1:11 Lum 5:2; Efε 1:18 1:13 Jon 5:18; Luk 22:53; Lem 26:18; Efε 1:6, 7, 21; 2:2; 6:12

Nyo' ε λεσθε bibefe bisεεbeene, ε sum beene can ηγωw e.

Klistu nu ekole ke mwεem mvunciim e

¹⁵ Waa we wvun nu naa lo wunte Nyo' keβεε wvù beene yaa yene κε. È nu wvù nsafwe mwεem mvunciim mvù bó bomεε. ¹⁶ Nyo' to bom mwεem mvunciim can ye le, mwεem mvu fowe bó mvu fokuse, mvù bó yene mvù le, bó mvù bó yaa yene κε, κενεε è nu naa bonceendaa bò la, bò lene ê fwefwe le, κενεε bò κεηκε mvunγay, κενεε bo baay baay, κενεε bò saake. Mwεem mvun mvunciim nu ε Nyo' to bom can ye le, ε mvù nu keewvumte wvù. ¹⁷ Wvù to nu wase dvù ε mwεem mvunciim σε ke no nu. Mwεem mvunciim nu can ye le, ε è jici wvù dvù ε mvù σε nu. ¹⁸ Wvù nu ekole ke kentaashe ke bonyii bo mbee le kè è nu ye ye. È nu wvù wvù to κewεε kentaashe kin. Ε è nu wvù wee wvu fwe keebuy yî kpwe le wvù yaa bee ke ekpwe κε, wvu le yî fiεε ficii le é wvù enù nsafwe. ¹⁹ Mwεem mvun nu nonen njefo Nyo' to nu ε κοη le fiεε fi wen nu fí ficii enù yî Waa we le, ²⁰ é wvù ege é mwεem mvunciim ekase etaashe bó Nyo', κενεε è nu mvu fowe κενεε mvu fokuse. Ε Nyo' mum ge keman bó ελεμε ke Waa we le seke wvù to kpwee yî kentam e.

²¹ Ben ten to shee nu ε ben ε gawsen ben ε bo Nyo', κεηκε βοηkpawce bò befe ekume wvù, gee mwεem mvù befe. ²² Geenεn, keseen nu ε Nyo' ε kase wase ε taashe ben ε bó. Wvù to ge fifin fele yî Waa we le wvù to tue wee wvu wum, to kpwe fô ben e, wvu le ben enù ê wvù fwe yuule yaa κεηκε nlom κε, nu σε jay. ²³ Ben κεηκε keemum egenè fwe yî fitele fi ben lese yî ye le, ecime γεη eleemè temyi ε

1:15 Jon 1:18; 2Kol 4:4; 1Tim 6:16; Ibu 1:3 **1:16** 1:13; Jon 1:3, 19; Ibu 1:2

1:17 Jon 1:1; 8:58 **1:18** 2:19; 3:15; Efε 1:22-23; Lem 4:2; 26:23; Mwm 1:5 **1:19** 2:9-10; Jon 1:16; Efε 1:23 **1:20** Lum 3:25-26; Efε 1:9-10, 21; 2:13-16 **1:21** Lum 5:10; Efε 2:12-13; 5:27 **1:23** 2:7; Efε 3:17; 1Tim 3:16; Ibu 3:6

fieε yaa shiike ke ben yî fieε fi ben taale fwe yî dvú le fi ben to yuwεε ê saaka wvù jee le. Saaka wvù jee wvudvu wvun nu wvù bó nu ε fewεε wase ê wee tfuu yî nshε le fen. Ε saaka wvudvu wvun nu wvù me wvù Baul nfewci ê bonyii diεwe wee lemme Nyo' le.

Lemme di Nyo' to nyaε ê Baul

²⁴ Me nlanlaje keseen yî ηgew wem wvù me n'yene nje yene le. Ε me njoo ηgew wvun yî εkolε kem e nen keemese ηgew wvù Klistu to yeneε nje kentaashε ke bonyii bo mbee le kè è nu ye ye. ²⁵ Nyo' nu ε gεε me le me enlemtè fô kentaashε ke bonyii bo mbee le, enfewci diεw ye ê ben no yî nu yicii. ²⁶ Diεw yin nu yì to shee nu ε bó ε nyile ê εηgoke ke bonyii le kecii bilum ηkuuη, ε keseen nu ε Nyo' ε durjeε wase ê bonyii bò è nu bew. ²⁷ Nyo' to nu ε caw keεge é bonyii bew ban ekieε le bonyii bò yaa nu ke Bojuu nu ke ekeηke bvukuke bvú saaka wvù bó to shee nyile wvun e naa ntay. Ε saaka wvudvu wvun nu le Klistu nu yî yene le. Nonen ben ε mum ε no taale fwe keekeηke bvukuke. ²⁸ È nu Klistu wvudvu wvun wvù bese fewci ekume wvù ê bonyii bocii. Bese yeεyi bó bô bvufee bvucii bvù Nyo' nyaa ê bese, bvuu teete bó, wvu le bó enù ε bó ε taw ε kocen ê Nyo' εjise no bonyii bo Klistu le keηke keenu. ²⁹ È neε fieε fi me mbone ηaη, nlemte bô mvungay mvunciim mvù Klistu lemte dvú yî yem e.

2

¹ Me ε mum ε no ηgomte le me εηge é ben bo Kolose ekieε no me nlumte naa ntay nje yene, bô nje bonyii bo Lawdesia noo bonyii bo mbee le bocii bò ke baa yen wase me le εjise ke. ² Me ηgee nonen le mvuntelem mvu ben

1:24 2Kol 1:5; 11:23-29; Efε 3:13 **1:25** Efε 3:1-3 **1:26** 2:2; 4:4; Efε 3:6 **1:27** 3:4; Lum 5:2; Efε 1:18 **1:28** Efε 4:13 **1:29** Efε 3:20; Fili 4:13 **2:2** 1:26-27; Efε 5:2

ε bó le eyvuwsè, é ben etaashe enu yî kerjkorjen e, wvu le ben elooçi kee naa ntay mwεem mvunciim no wee kerjke keekee, emum ekeè ten kenyile ke Nyo' le, kè è nu Klistu. ³Nyo' nu ε nyile ntfu bvufee bvucii bô mwεem mvù bonyii kerjke keekee ekume wvú ε è nu yî Klistu le. ⁴Me njemyi fin wvu le fo wee mvu ke ene eto bô njeme wvù yeke wvu fomvu fomvu elεε ben dvú. ⁵Ben ekeè le naa no me ncm nu ncejole nen nu ε me nu beene ê keyoy e. Ε me larlarje no me n'yuuke no ben gee mwεem ê je yi lej e, ε ben ε lese fitele yî Klistu le ε fí temyi ntay.

Bonyii bo Klistu le nu ε boy wase can bonci bo εcici le

⁶No ben nu ε fiisen wase Klistu Jisos wvù Tata, ben emum eleemè ke yî ye le nonen. ⁷Ben ecime gerj ekuù yî ye le, eleemè temyi yî mbee wene le ke lejlej no bó to yeeyεε ben, enyaà keyoone ê Nyo' sekecii. ⁸Ben eyenè fo wee ke ejo bvufee bvú εcici bvú fokuse fen bvú kenleema le enjim ben dvú é ben etu bonfaw ke. Bvufee bvun nu bvù bii bonjpwawce bo wee wvu wum bô bo mwεem mvù saake yî woj wvun e. Ke è yaa nu bvù bii bonjpwawce bo Klistu le ke. ⁹Ben ekeè le no Klistu to tue wee wvu wum, nu ε fiεε fi Nyo' nu fí ficii nu yî ye le. ¹⁰Ben nu ε kerjke wase mwεem mvunciim no ben nu ε taashe ben ε bo Klistu. È nu wvú ekole ke mwεem mvunciim mvù kerjke mvungay saake le. ¹¹No ben ε bó to taasheε nonen, ε wvú tfuse ben yew. Ε ke ntfuse yew wvun nu wvù bó tfuuse bô can seke bó ε sum kejewlεε ke ye wee le ke. Wvu wvun nu wvù è gee Klistu keesum nyam yene ye kebefε. ¹²Seke bó to leseε ben ê joo nu ε bó to taashe ben ε bo Klistu dwey. Ε Nyo' kase bvuse ten ben nje fitele fi ben to leseε

2:3 Bngn 2:4-5; 1Kol 1:24, 30; Efε 3:19 2:4 2:8; Lum 16:18 2:5 1Kol 5:3 2:7 1:23 2:8 1Tim 6:20 2:9 1:19; 2:15, 20; Efε 1:21 2:11 Efε 2:11 2:12 3:1; Lum 6:3-4; Efε 1:19-20; 2:6

yî ye le le wvú nulo ebvuse ten ben yî kpwe le bô mvungay mvù wvú to bvuseε Klistu dvú yî kpwe le. ¹³ Ben to shee nu ε ben ε kpwe wase ê keyoy e nje bonci bo Nyo' le bô ben to ngoyte ε Klistu baa tfuse wase ten ben yew keesum mwεem mvù nyam ye yene gomte le κε. Keseen, Nyo' nu ε ge wase ben ε kase ε tu dvú, ε taashe ben ε bo Klistu. Wvú nu ε læshe wase bibefe bisεεbeene bicii. ¹⁴ Wvú nu ε fiwse wase mwεem mvù to koole beene ê ηwa' bonci le ε bó saarke ekume beene. Wvú nu ε jo mwεem mvudvu mvun ε tfuse yî Klistu le, bó ε mum ε ta wvú yî kentam e, ¹⁵ wvú ε mum ε ngoy mvungay mvu mwεem mvunciim mvù kenke mvungay saake le, ε bvuse mvú ya le, ε shoose, ε mum ε so mvú yî kentam e. *

Bonyii bo Klistu le eyuukè ε è nu fiε fi è gayte wvú

¹⁶ Nonen, fo ben ebvuu ebee é wee mvu esaake ben ekume mwεem mvù ben diee kenεε mvù ben wuu kenεε le ben baa egεεle bonkaw, kenεε è nu ηkaw kpwee wvu fwe, kenεε le ben baa eshee mbam κε. ¹⁷ Bó to shee gee mwεem mvun fwele ε mvú nu κε lo diewe kenjinjinj ke fiε fi to nu keeke to le, ε fiε fidvu kebεε nu Klistu. ¹⁸ Fo ben ebee é bonyii bomew esaake ben duu le ben nu ε jay je κε. Bonyii ban nu bô duu le ben ejod bikuu binen ekuse no bó joo, duu le ben ebunleè ten bonceendaa bo Nyo' le no bó bunlee. Bó duu le bó kee mwεem njefo bó yene mwεem e ê bifile le. ε bó bensee κε ε è nu ye yî mwεem mvù too efa jobo le, ε kenyi kedvu yaa nu κε. ¹⁹ Boba bonyii nu ε gawsen wase bô bo ekole kè è nu Klistu. Klistu nu wvù nyaa mvungay ê ye ye ε yí se kuu no Nyo' seyse le yí ekuù. Beene nu ε taashe κε diewe no ye wee nu ε taashe yî biyuj

2:13 εφε 2:1, 5 2:14 εφε 2:15-16; 1Bi 2:24 2:15 2:9-10 * 2:15
 κενεε le, "... ε mum ε so mvú yî ye le." 2:16 Lum 14:1-6 2:17
 Ibu 8:5 2:18 εφε 1:21 2:19 1:18; εφε 4:16

bô bonjersee le ε σε no lemte λη. ²⁰ No ben nu ε kpwe wase ben ε bo Klistu ê keba ke mwεεm mvù saake yî woŋ wvun e, ε no nu nje la wvù ben bvuu cee ke diewe ben nu bonyii bo yî woŋ wvun e? Ben bvuu beje keebii ban bonci le nje la? ²¹ Bó nen'yi cew lo λ, “Fo wee ejice fin fiεε le κε. Fo wee emom fifi εmvu κε. Fo wee ekum fin e κε.” ²² ε mwεεm mvun mvunciim nu ε bonyii gee ε mvù fele lo, ε bonci ban nu ε è γεke bonyii bii bvufee bvubole. ²³ Bonyii nen'yi no yene naa λ bvufee nu ê bonci bodvu ban e, no bó gee λ bonyii ekeè keebunlee ê je yi λη e, bô keeshiwse ekole noo keenyεwle bô ye. Geenεn, ε mwεεm mvun yaa nulo efice keebvuse wee ê mwεεm mvù nyam ye ye shieele le κε.

3

Bonyii bo Klistu le keŋke nshii wvu fwe

¹ No Nyo' to nu ε bvuse wase ben ε bo Klistu yî kpwe le, ben emum egomte mwεεm ε è nu mvu fowe fô Klistu nu ε Nyo' ε shike wvù ê εbo kew ke εεεy e. ² Ben egeε bvufee bvunen yî mwεεm mvu fowe le. Fo ben egeε yî mvu fokuse le κε, ³ njefo ben to nu ε kpwe wase, ε nshii wene nu keseen ε Nyo' ε nyile yî Klistu le wvù nu bô wvù. ⁴ Seke Klistu wvù nu nshii wene ε ke ε buynεn bô bvukuke bwew, é ben ten emum ebuynεn ente jo bvukuke bvudvu. ⁵ Fí ε mum ε no nu λ, ben elese lo mwεεm diewe mvun e mvù nyam ye shieele. È nu keejaanke kenjan bô keekpwawci mwεεm ekumε kenjan, noo ye yî ηeyεn, noo keeshieele keegeε mwεεm mvù befe, noo keebvuushi ejise yî mwεεm e. Wee wvù bvuuushi ejise yî mwεεm e nu ε mwεεm mvun ε

2:20 2:9-10; Gal 4:3-5, 9 2:21 Yεsa 29:13; Mat 15:9; 1Tim 4:3; Ibu 13:9 3:1 2:12; Efε 1:20 3:2 Mat 6:33 3:3 Lum 6:4; 2Kol 5:14
 3:4 Gal 2:20; Fili 1:21; 1:27; Fili 3:21; 1Kol 15:43; 1Jon 3:2 3:5 Gal 5:19-21
 3:5 Lum 6:6, 11; Gal 5:24; Efε 4:19; 5:3

tu wase nyo' mvu fô wvú le. ⁶ È nu kfuu mvumvun mwεem mvù nu ke ege é Nyo' eton'ye shém elañ ηgew yî bonyii bò gee mvú le. ⁷ È to nu fwele ε ben gee kfuu mvumwe mwεem seke ben to bæε cee nce bii no nyam ye shieele. ⁸ Geenen keseen, ben keηke keecinε mvú le mvunciim. Ben ecinε shém yî ton'yεen bô mvuntelem mvù sesene noo mvuntelem mvù befe le. Fo wee ebeetè bô diee di wee le ke. Fo njeme wvù samte ebuytè diuw wee le ke. ⁹ Fo wee elεelè waa bwee ke. Ben ekeè le ben nu ε baa wase ye yi yvum bô gee diew, ¹⁰ ε jo wase ε è nu yi fie. Yiyin nu ε Nyo' seysee sekecii kumene ε yî tuu diewe ye le, wvu le ben elooci kee wvú. ¹¹ Fofen nu ε wee mvu yaa bvuu nu jεy fô mvu le ke. Ke wee mvu bvuu nu dvú le è nu wee Juu ε mvu nu wee Glek ke. Ke wee mvu nu dvú le bó nu ε tfuse yew ε mvu nu ntffuse ke. Ke wee mvu nu dvú le è nu wvu entfun ke. ε ke wee mvu nu dvú le è nu nyam yi ηkpwaante ke. Ke wee mvu nu dvú le è nu nfwa ε mvu nu waa yew ke. Klistu nu fieε ficii fô bó le, ε wvú nu yî bó le bocii. ¹² No Nyo' nu ε caw wase ben, ben ε no nu bonyii bew, ε wvú koonke ben, ben emum ejo kenje ke leη kè le: wee ecamtè shen fô waa bwee le, geè mwεem mvù jee fô bonyii le, shiwsè bikuu binen, nù wee, kuulè shém, ¹³ yaa keηke fitele fi sesene ke. É wee cim ge naa la fí ε luce wee, é wvú læshe nya ê wvú. No Tata nu ε læshe wase binen bibefe, ben ten elεeshi bi bonyii bomew e. ¹⁴ Ben dīoo gee mwεem mvun mvunciim, no tomyi keηkonen fwe. Keηkonen nu fieε fi taashi mwεem mvunciim ε mvú se nu yî fieε le fimwaan. ¹⁵ Ben ecinε é nyεkeey wvù nen'yi fô Klistu le enu ê mvuntelem mvunen

3:6 Efε 5:6 3:7 Lum 1:18; Efε 5:8 3:8 Efε 4:29; 5:4 3:9 Efε 4:22, 25 3:10 Kej 1:26-27; Efε 4:24 3:11 2:11; Gal 3:28; 1Kol 12:13
 3:12 Efε 4:2-4 3:13 Efε 4:32 3:14 Efε 5:2 3:15 1:18, 20; 2Kol 13:11; Efε 1:23; 4:4

e duŋci ben je. Nyεkeey wvun nu naa wvù Nyo' to teŋεε ben le ben ekeŋkè no ben nu ye yimiaaŋ. Ben enyaà ten keyoone ê Nyo' sekecii. ¹⁶ Ben egeε é saaka wvu ekume Klistu enù ê mvuntelem mvunen e naa ntay, é ben eyεεyi bvuu teete bikuu binen bô bvufee bvucii. Ben eyemtè benseè Nyo' bô njoŋ fô mvuntelem mvunen e bô boŋkiee bô buyte ê Ŋwa' Mbense le noo boŋkiee bomew bo mbense le, noo bô Keyoy kew nyaa ê bonyii. ¹⁷ Ben dioo gee fiεε ficii fi ben gee, keŋεε ben jemyi lo, ε ben no gee diεwe bonyii bo Tata Jisos e, nyaà keyoone ê Nyo' Ice fele yî ye le.

No bonyii bo Klistu le nulo ecee yéw yibole

¹⁸ Bokεε, ben enyaà bikuu binen ê bole' bonen no bonyii bo Tata Jisos e ké no gee. ¹⁹ Bolemεε, ben ekoŋkè boke' bonen. Fo ben eŋasene yî bó le ke. ²⁰ Boom, ben eyuukè bobwee bonen bô bo'icee bonen e yî fiεε ficii le. É ben gee nonen, é fi ejee Tata le. ²¹ Bocee boom, fo ben egee mwεεm mvù mvuntelem mvu boom bonen e esaase ke. É ben gee lo, é shem ekpwee bó. ²² Bonfaw ben eyuukè bonyii bô keŋke ben fokuse fεn e yî fiεε le ficii. Fo ben elemtè bó le ke seke jise dibole nu yî yene le keegeε le ye ejee bó ke. Geenεn, ben elemtè bô fitele fimwaan, fanè ε è nu Tata. ²³ Wee dioo lemte fiεε ficii fi wvù lemte, no lemte bô fitele fiew ficii le wen lemte ε è nu Tata le ε è yaa nu wee le ke. ²⁴ Ben ekeè le wee nu ke ekeŋke fiεε fi bó nu ε seyse ε gee fi è nu mmawce we ε è nu ê Tata. È nu Tata Klistu wvù ben lemte wvù le. ²⁵ Geenεn, fô bonyii bô gee kebefε le nu ε Nyo' nu ke elaw bó yî kebefε kè bó gee le. Ben ekeè le ke Nyo' ké no duŋci kejeεy jeεy ê bonyii ke.

3:16 εfe 5:19-20; Ibu 13:15

3:18 εfe 5:21-6:9

3:24 εfe 6:8

3:25 jεm 2:1

4

¹ Ben bô kɛŋke bonfaw, ben egeè mwɛɛm bô bó ε è nu mvu læŋ bô mvù jee, ekumyì læ ben kɛŋke tɛn Cee Ëkolɛ fowe.

Ntefe wvu fokemɛse

² Ben bocii ebunleè gene fwe yaa doose kɛ. Ben dioo bunlee no leesè bvufee yî dvú le, nyaà keyoone ê Nyo'. ³ Ben ebunleè fô bese le tɛn læ Nyo' eyene kembuŋ fô diɛw ye le é bese efewci diɛw yin yì è nu kenyilɛ ke ekumɛ Klistu kè me nu yî ncaw e nje kí. ⁴ Ben ebunleè læ me enlooci nfewci ε wvú yuule ntay no me ŋkɛŋke keenfewci. ⁵ Ben dioo nu ben ε bonyii bô yaa nu kɛ bo mbee le no gee mwɛɛm bô bvufee. Seke ben ε kɛŋke je keege fiɛɛ, ε ben mom læ fo kefew kedvu efey εcici kɛ. ⁶ Njeme wene sekicii enù wvù bonene, yeke diɛwɛ ŋkawu e, é ben emum ekee keetfuuse fiɛɛ ê wee tfuu ê je yi læŋ e.

Bɔŋgayma

⁷ Tikikus nu esee fiɛɛ ficii fi ekumɛ me ê ben. Wvú nu waa bwee wesebeene, nu tɛn fitele fisɛɛbeene. Bee bó lemte Tata le yî wee le mwaanɛ ε wvú nu wee lemme wvù lemte bô fitele fiew ficii. ⁸ Me ntumte wvú fô ben e bô shiee wvu læ wvú eto ege é ben ekiɛɛ no bese nu, ebvuu eyvuwɛ mvuntelem mvunen. ⁹ Me ntumte bô Onesimus wvù nu wee mvu wvu jo ben, ε wvú nu tɛn waa bwee wesebeene wvù nu fitele fisɛɛbeene ε wvú leeme yî fiɛɛ fi Klistu le tɛmyi. Bó nu ke esee ê ben fiɛɛ ficii fi kooyi fɛn. ¹⁰ Alistakus wvù bee wvú nu fɛn yew ncaw e gayte ben e. E Mak wvù waycee Banaban gayte tɛn ben e. È nu wvú wvù ben nu ε kɛŋke wase ntum ekumɛ wvú. Seke wvú ε

4:1 LɛW 25:43 4:2 Lum 15:30; Efɛ 6:18-19 4:2 Fili 4:6; 1TɛS 5:17 4:3 Lum 15:30 4:4 1:26 4:5 Efɛ 5:16 4:6 Efɛ 4:29; 1Bí 3:15 4:7 Efɛ 6:21-22 4:9 Flm 10-12 4:10 Lem 19:29; 20:4; 27:2; Lem 12:12

to, ε ben fiisen wvú. ¹¹ Jisos wvú bó teje le Justus gayte ten ben e. È mey ke bonyii bo botete ban bò è nu Bojuu bò bee bó lemte yî fiεε le fimwaan̄ yî bvunfon bvú Nyo' le. Bó fici naa me baay, gee ε fitele fiem lætene. ¹² Ebaflas wvù nu ten wee mvu wvu jo ben, wvù lemte Klistu Jisos e gayte ten ben e. Wvú dioo bunlee sekecii no kumyi ben naa baay, lεke le Nyo' ege é ben eleemè temyi diwε bonyii bò nu ε taw wase, looci kee fiεε ficii fi Nyo' gomte le. ¹³ Me nu ε n'yen wase bô ejise eyem le wvú lemte fô ben e baay noo fô bonyii bo Lawdesia bô bo 'Iliabolis e. ¹⁴ Luk wvù cuuke bonyii wvù nu nsaa yem shém bô Demas gayte ten ben e. ¹⁵ Ben egay boom bo bwee wesebeene le bo mbee le bo Lawdesia le, egay ten Nimfa bô kentaashe ke bonyii bo mbee le kè taashi ê wvú yew e, enya ê me. ¹⁶ Ben dioo ε taŋ ŋwa' wvun, ciinse ê kentaashe ke bonyii bo mbee le ke Lawdesia ε bó taŋ ten, mum yen ten le bó nu ε ciinse ŋwa' wvù nu ê bó ben ε taŋ. ¹⁷ Ben egay ê Alkibus le wvú eyen le wvú nu ε mεse lemme di Tata nu ε nya can ye le. ¹⁸ Wvun ŋgayma saan̄ke me wvù Baul bô kebo kem. Ben ekumyi le me nu yî ncaw e. Nyo' ebuw ben bô kembon̄en.

4:12 1:7; Flm 23

4:14 2Tim 4:11; Flm 24; 2Tim 4:10

4:15 Mwm 3:14

4:17 Flm 2

4:18 1Kol 16:21; Efε 1:1; 3:1

Ŋwa' Nyo' Moŋkan mo Monfɛm New Testament in Noone (CM:nhu:Noone)

copyright © 2011 Wycliffe Bible Translators, Inc.

Language: Noone

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Noone

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 19 Oct 2021 from source files dated 1 Dec 2020

5b12a3f8-7a2a-5b6f-b1da-1bf94b13fc2e